



ՀԻՇԱՐԺԱՆ ՏԱՐԵԴԱՐՁՆԵՐ

ԿՈՄՊՈԶԻՏՈՐ ԱԼԵՔՍԱՆԴՐ ՍՊԵՆԴԻԱՐՅԱՆԻ ՄՍՀՎԱՆ 25-ԱՄՅԱԿԸ



Ռեսպուբլիկայի հասարակայնությունը նշեց հայ դասական երաժշտության ակադեմիկոս զեմբերից մեկի՝ Ալեքսանդր Սպենդիարյանի մահվան 25-ամյակը:

Ռեսպուբլիկայի աշխատավորները մեծագույն սեր և հետաքրքրություն են ցուցաբերում երաժշտի հանձարեղ ստեղծագործությունների նկատմամբ: Սպենդիարյանի կուլտուրական ծառանդությունը հայ դասական երաժշտության մեջ ունի զեղարվեստական, ինչպես և պատմական խոշոր արժեք: Զինվելով ռուսական և արևմտա-եվրոպական դասական երաժշտության առաջադիմական

ստեղծագործական սկզբունքներով, անվիճելի ժողովրդական ստեղծագործության ակունքներից, նա մոտ 30 տարվա բեղմնավոր ստեղծագործությամբ հարստացրեց է հայ դասական երաժշտության գանձարանը: Սպենդիարյանը ստեղծել է երաժշտական տարբեր ժանրի բազմաթիվ մեծարժեք գործեր, ինչպիսիք են՝ «Երեք արմավենի», «Կրիմի էսքիզներ», «Էտյուդ հրեական թեմաներով», «Երևանյան էտյուդներ» սիմֆոնիկ երկերը, ռոմանսները, գործիքային ստեղծագործությունները, լիարժեք և հոյակապ «Ալմաստ» օպերան և այլն:

Սպենդիարյանի հարուստ ստեղծագործության մեջ զբաղվող տեղ է զբաղում նրա սիմֆոնիկ ժառանգությունը, որը ունի սրանչևի մեյոդիականություն և անմիջականորեն ներգործող խորը հուզականություն:

Սպենդիարյանի երաժշտական ստեղծագործության մեջ խնդրալույս տեղ է զբաղում «Ալմաստ» օպերան, իր զաղափարական խորը ընդհանրացումներով, երաժշտական արվեստի բարձր կուլտուրայով, ռեալիստական ճշմարտությամբ և խորը ժողովրդայնությամբ:

Սպենդիարյանի երաժշտական ժառանգությունը բացառիկ տեղ ունի ոչ միայն հայ կլասիկ երաժշտության մեջ, այլև ողջ սովետական երաժշտության մեջ: Կիրառելով ռեալիստական ստեղծագործական մեթոդը, Սպենդիարյանը սուսական կլասիկ երաժշտության բարերար ազդեցությամբ հանդիմ ստեղծեց ազգային երաժշտական լեզվի և ոճի կերաման ինքնուրույն ճանապարհ: Նա մեծ վարպետությամբ օգտագործել է ժողովրդական ստեղծագործությունները՝ հաղորդելով նրանց ուրույն բաղդրություն ու համ:

Մեծ են Սպենդիարյանի մատուցած ծառայությունները հայ դասական երաժշտության հարստացման ու զարգացման գործում, և հայ ժողովուրդը սիրով պահում է մեծ երաժշտի հիշատակը: